

同里志卷之十二

人物志三

科貢

科貢士子進身之階也然或傲岸不肯折腰或時會阻於積薪弗登仕版者多有之矣雖功業不顯於世而德行可尊於里者當表之志科貢

凌昌

王寵

任之重兄秀之之俊

顧曾璘

沈志英

錢琳

陳紹文

嚴振先

陸瑤

陳銳子沂醜孫士載

陳鏗孫士任士寧曾孫毓威元孫兆牧兆麟

吳祖彬

王文沂

王棣

朱洪斌

陳士醇

陳時彥

俞韓

顧我鈞

陸凱

吳灑父弟洙

王堡

許金塔

袁益之

王承愷

顧汝敬

陳

同里志

卷十一科貢

一

凌昌字正卿家世業儒性聰慧強記尤邃於書微詞奧義多所發明從元儒潘如珪遊至正間舉於鄉會道阻遂不就試以圖史自娛為文章汪洋而明潔放言極論一歸於理洪武十二年舉明經授縣學訓導遷太平教授卒於

官

按先哲志云承部繳分致邑庠仍薦之當路未及祿位而卒蓋教職猶未授職故云所著有儀古集參先哲志邑志獻集

王寵字履仁更字履吉號雅宜山人守弟資性明敏少與兄同學於蔡羽居洞庭三年既而居石湖之上又二十年

非歲時省視不至家遂於書無所不窺文藝無所不能為人蘊藉自將溫淳恬曠與物無競所最相善者文徵明唐寅而知府胡纘宗亦深器重之嘗有人持千金欲得其一言於纘宗寵不顧麾之人有尤焉寵謝曰人所為重

寵者能潔修耳使自污將見輕而又因以為利耶其有守如此寵才名過其兄兄早貴致身華要而寵八試棘闈

不利僅以年資貢太學竟齋志以卒年方四十所著有文集四沈志作二十卷詩刻尚風骨擺脫輕靡書體迥秀妙得

晉法與祝允明齊名

按明史龍傳但云行楷得晉法書無所不觀而不詳其詩參獻集邑志續先哲志列朝詩集

任之重字道村致子少天特不凡補吳邑諸生尋以歲貢入太學嘉靖癸甲間倭寇入犯蘇松之重素精壬遁韜鈴之學遂借兄秀之之俊參贊軍務屢獲戰功泊寇平上憲欲題授以官不就而卒所著有六壬舉要文集八卷見任

氏譜

顧曾璘字元玉號華陽萬曆元年亞魁嘗從袁了凡游以致知力行為務博稽聖籍著述滿家兼精岐黃置祭田立

義家殆所謂文行並美者歟

本續先哲志
下二傳同

沈志英字見吾號劍虹與故相國周道登同貢入太學相國雅重其文行敬禮之其後嗣丹泉以醫名於里

錢琳字仲雍崇禎三年舉於浙江出黃道周之門本居治城遷居櫛李中年復遷同里爲人坦衷雅量不立城府性至孝孺慕終身每言及父輒潸然涕下斗粟之儲必減以給兄子或勸之仕曰吾性不任衣冠且爲五斗米折腰獨陶元亮恥之耶庭多蔘花開邀知己共醉猶有晉人風格子聖域秀水諸生相繼而沒

陳紹文字西美王道曾孫九齡失怙執喪哀毀如成人博涉書史爲詩文敏捷如不注思年二十中崇禎十二年鄉試嘗言士生今日先明出處不能爲謝東山則爲申屠蟠耳明亡遂絕意進取閉門課子遷於濂谷之學著有後沙語錄所雜有宋元明諸儒心學指要年六十餘卒

本續先哲志
邑志

大清

嚴振先字莖侯明慶生 國朝貢入太學高蹈不赴廣文之選簞瓢屢空晏如也爲人怕怕退讓厚重簡默一介不取於人昆季皆皈依三寶振先尤近於禪說得念佛三昧其逝也異香滿室八大菩薩乘空而來迎焉

本續先哲志

陸瑤字斗光號雪崖邑慶生康熙辛亥貢入太學爲諸生時試輒高等數奇不遇韋布終身沒後體光猶籍籍人口知士之不朽者固在此而不在彼也所著有東江集子永傳字萊逸邑諸生授徒講學能世其業及門之士多成名者爲人忠厚愷悌惜年老無子年八十四貧困以卒所著有漱玉軒偶吟

本采錄同
里先哲志

同里志

卷十一 科貢

一一

陳銳字穎長號軼庭紹文長子康熙戊辰進士與弟鏗務實學敦士行世以經師人師相推所謂二陳先生是也五十後始獲一第沉潛嗜學於經史及二通諸書皆丹黃甲乙未嘗頃刻離也國初制義承明季之習怪詭不經銳與鏗力崇先正選刻程墨皆醇百篇風行海內文體由此稍變既久困場屋遂肆力於古文辭亦並有聲所著有秦阿於餘稿子沂配字艾山號息存邑諸生嘗從父銳授經於徐司寇健菴家時司寇纂修一統志開局於洞庭西山四方名士俱集沂配得與諸前輩相接洽聞廣見故所作詩文皆有宗法諸先輩皆爲歎賞所著有息存遺稿孫士載字昂張號梅軒縣學生性剛直人有過必正言相規朋輩敬憚之其繩督子弟有太邱家法常嘯歌自適所居後圃有老梅數株花時邀二三同好觴咏其下後得瘵疾卒所著有梅軒詩草曾孫毓良字傳野號晴巖縣學生幼穎敏所讀經史諸書能背誦不遺一字爲詩文劇敏捷過人中年客授濟南卒於寓舍

參邑志詩徵
下一傳同

陳鏗字霜赤號廉泉銳弟康熙庚申舉明經少與兄銳並以文章負海內宿望後母喪哀毀以沒世尤重之所著有課花齋詩鈔子沂震載仕宦傳孫士任士寧士任字彥仲雍正癸卯恩科舉人士寧字安叔康熙庚子副貢士任次子毓升載文學傳士寧子毓成字受之號芝房嘉慶丙辰進士授國子監學正亦達於詩古所著有紅樹莊詩鈔毓升長子兆牧字觀岳號春帆歲貢生亦能詩文著有語花居詩稿次子兆驥字駕千忠謹莊乾隆甲午舉人

選授宿松教諭未任卒兆牧子興瑞字賦蓉早歲能文弱冠游庠沉潛力學惜早卒

吳祖彬榜姓字謙六瑞徵曾孫康熙甲子舉人十上公車不第而中人之產盡矣其沒也陳沂震哭以詩曰無多負

郭頌書券強半消磨為蹇驢蓋紀實也見詩

王文沂字映薇邑諸生謂子生有異質少孤事母盡孝敬事伯仲兩兄如嚴師沉潛力學郡試冠軍補郡諸生旋登辛卯賢書三上公車累薦不售坦然無介意益肆力於諸書辛丑會試因母疾不果母促之始行場後聞計奔喪終身飲恨服闋後值計借無心北上或勸以顯揚為孝乃入都卒於邸舍年三十七士人惜之本周俊

王棟榜姓字偉岳少孤與兄植奮志嚮學俱列膠庠兄早沒撫孤姪如己子康熙丁酉與姪錫同魁浙榜生平親親

陸族繼兄之志為通族積貯做范文正義莊故事其他獎勵後學經紀善事一以公道主持所著有偉岳文集本

我錄

朱洪斌字文蔚援例入邑庠歲貢入太學品行端方書法顏魯公筆意閉戶講經論文盡得陳紹文法從游甚衆焉

父厚甫明參同契丹成九轉聞空中有子孫氏傳之句後數年果應其言見意中

陳士醇字子大號蓼莊沂震姪雍正癸卯恩科舉人二歲父沒於滄州旅次未繪像及長延畫史詔伯叔戚屬追摹遺照歲時展祀極誠為人氣度冲和無疾言遠色其舉於鄉也出漢陽徐正峯之門繼徐公調任江邑士醇終年

同里志

卷十一 科貢

二二

不履公庭及擢守蘇郡曾無片紙竿牘而座主北平黃公叔琳能職浙撫寓吳門士醇時往謁修弟子禮不懈其

於炎涼間固異於翟公之客矣見詩

于時彥字俊求號莘耕文沂弟神姿油澈少穎敏嗜學誓年孤露事母以孝聞事伯仲二兄惟恭謹借叔兄下帷攻苦早入鬢序雍正己酉舉於鄉遇親舊恩義有加外舅歿迎養外母終其身喪葬盡禮鄉里高其誼目為真孝廉

卒年四十二以孫錕貴 誥贈通議大夫本周登

俞韓榜姓字石洲其先歙籍與其兄武班弟武琛俱以商籍遊仁和縣庠韓為人恂恂退讓攻帖括嘗寓居虎邱山

房三年不出戶外故始遷同里人罕識之庚子中浙榜雍正癸卯登恩科進士乙巳授江南鞏縣知縣未任卒於

京邸武琛字再莘文行一如其兄雍正乙卯舉人乾隆丁巳成進士本吳添增

顧我鈞字陶元號髮千乾隆甲子經魁方為諸生時已名噪大江南北弟子著錄者數百人其在京師也館於秦大

司寇憲田邸第奉公奉 命修五禮通考因預參校焉生平著述甚富識者謂春秋去鑿一書棄取取瑜亦集狐

成腋為從來說春秋家所未有惜自襄公以下猶未竣事也已刻者律賦彙鈔髮千訂課松陵者舊集勤補堂文

稿等書行世子後藝字器先少孤能讀父書弱冠即為諸生早卒無子人共惜之本顧汝

陸凱字舜揚本邑之東濠人因為里中顧憲臣婿遂居同里雍正甲辰副貢精於制義居鄉教授從遊者多擢科名

里中王錫王時彥顧我鋪周春皆其高弟也著四書制藝選授海門教諭未任卒士林惜之子鴻業以一衿終本願

吳濂字淳發號麗菴通經學古弟子甚衆周元理兄弟其尤也姚世榮督學江西聘佐文幕掌教豫章書院立學規造就來學士風不變所選制義是程諸集海內風行以歲貢入太學卒年七十六弟洙字泗傳名諸生著有增輯

同里先哲志吳叔子集本史乘長撰墓誌

王傑字連城號素亭時彥子少孤爲世父撫養穎敏過人讀書目數行下成童卽熟經史諸書嘗見僧徒誦大悲咒

僉云梵語難識傑受持一過誦無遺字僧衆大驚弱冠補邑諸生從海鹽進士吳名懋政遊工制舉義刊落浮華一歸雅正淮南太史阮名學濬稱其文有慕廬先生風格著有素亭制義行世乾隆丙子舉於鄉再試禮闈薦而被落卒年三十三以嗣出子錕貴 賙贈奉政大夫本阮學濬撰傳

許金塔字觀韓性聰慧博聞強記遂於書無所不窺乾隆庚子舉於鄉未赴春闈而卒本顧汝敬誌

袁益之字扶九號竹軒歲貢生少承其父棟家學藏書萬卷披尋略遍作爲文章鎔經鑄史淺學莫窺其底蘊族弟

景輅舉竹溪七子詩社益之爲首沈文憲公亟稱之生平以禮法自持造就必軌於正戚友皆嚴憚之長子志讓

字遺安幼秉夙慧讀書過目成誦卒年僅十五詩文便已驚人有詩選入松陵詩徵本袁譜傳

同里志

卷十一科貢

王承愷字昆表號爽亭資性明敏能文章博通經籍爲名諸生試輒高等食餼於府庠秋闈屢薦不售貢入太學居家教授一時名士皆從之游晚游京師不久卽歸仍家居教授兄弟一堂同享高壽有怡怡之樂云

顧汝敬原名汝龍字配京號蔚雲博涉書史爲諸生邃於詩文試輒高等廩於庠乾隆乙巳貢入太學嘉慶甲子 欽賜

舉人著有同里志稿子兆曾字鶴齡號恂堂少穎敏弱冠卽遊庠明年以科試第一食餼戊申以魁薦不獲售工畫山水得張棟指授仿王原祁筆能神肖識者珍之著有五經疑恂堂詩草元明畫師類姓錄等書